



KEMENTERIAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.kwp.gov.my

KENYATAAN MEDIA

UNTUK LIPUTAN MEDIA MASSA

RIVER OF LIFE (ROL) VIRTUAL BIKE & RUN 2021 AKTIVITI RIADAH WARGA KOTA NORMA BAHARU

Kementerian Wilayah Persekutuan (KWP) dan Dewan Bandaraya Kuala Lumpur (DBKL) berkerjasama dengan “Ejen Ali”, karektor animasi superhero tanah air dalam usaha untuk mendidik masyarakat akan kepentingan memulihara serta memelihara sungai dan kemudahan-kemudahan yang terdapat di kawasan River of Life (RoL). Ejen Ali menjadi ikon kempen kesedaran RoL-Public Outreach Programme (RoL-POP), yang dapat menyampaikan mesej mengenai kepentingan penjagaan kebersihan dan keindahan alam sekitar khususnya kepada pelajar dan anak muda di Kuala Lumpur.

River of Life Virtual Bike & Run 2021 ini diadakan dengan kerjasama Malaysia Green Building Council (MGBC) sempena Sambutan Hari Wilayah Pesekutuan 2021. Program yang berkoncepcian virtual tahun ini dapat mempromosikan River of Life sebagai produk eco-pelancongan di Kuala Lumpur. Sehingga hari ini seramai 1,700 orang telah mendaftar sebagai peserta River of Life Virtual Bike & Run 2021. Peserta berdaftar mempunyai pilihan samada berlari, berjalan atau berbasikal di mana-mana lokasi ROL bermula 1 Februari hingga 30 Jun 2021. Pematuhan SOP bagi aktiviti riadah tersebut perlu dipatuhi supaya keselamatan semua pihak terjaga.

Selain dapat beriadah, warga kota juga dapat bersama-sama memainkan peranan meningkatkan kesedaran orang awam dalam membendung pencemaran sungai dan vandalisma yang sentiasa berlaku khususnya di Wilayah Persekutuan Kuala Lumpur. River of Life Virtual Bike & Run 2021 yang di bawah Cakna Sukan ini dapat memberi peluang kepada orang ramai menjalani gaya hidup sihat sepanjang tempoh PKP.

Inisiatif program kesedaran RoL ini perlu diteruskan dengan aktiviti promosi yang lebih berkesan bagi memastikan mesej mengenai kepentingan penjagaan sungai sebagai sumber bekalan air bersih dan sebagai habitat alam semula jadi ini dapat disampaikan kepada masyarakat dengan berkesan. Kerjasama orang ramai dalam bersama-sama menangani masalah pencemaran sungai adalah sangat diperlukan demi kesejahteraan semua dan generasi yang akan datang.

TAN SRI TPr. HJ ANNUAR MUSA
Menteri Wilayah Persekutuan
20 Februari 2021